

## ***U' PURCEDDU NOBILITATU***

Nu cuntadinu chi addivava maiali  
avjia 'nmenu 'a iddi nu maialeddu  
chi era, criditimi, na cosa spiciali.

Annava sempri appressu 'o sò patruni,  
era pulitu, beddu e 'ffizziunatu :  
àutru ca nu' purceddu, parìa nu' cani.

Qualunchi cosa di fari nci dicjia  
capjia 'ntò 'lampu e lestu u' facjia.  
Era na meravigghjia, mancu a dirlo,  
nu' veru finominu 'a vidirlu.

Pinsau 'u purcaru, 'ntò sò cori,  
*"ora 'u vestu comu nu' signurinu,*  
*u' pottu 'a mostra e mi fazzu u' dinaru",*  
picchè era pi' ddaveru nu purtentu.

Nci misi nu frac beni attillatu,  
nta testa nu cappeddu sbardillatu,  
nto pettu nu ciuri profumatu,  
nta bucca nu siguru tuscanu  
e puru nu bastuneddu ntà na manu.

Ognunu ristavu meravigghiatu.  
Annamu 'o nostru, 'a chiddu c'acchidu,  
ca u' massaru no avjia 'mmagginatu,  
facennusi "*u' cunttu da' ricuttidda*".

Lungu a' strata chi puttava 'a mostra,  
c'era nu' fossu d'acqua puzzulenti :  
'a vidilla, u' porcu, 'nimalleddu, no capjiu cchiù nenti,  
scinnjiu da' carozza e all'aria tuttu jittavu  
e ntò fangu filici e biatu si ruzzulavu.

*All'istintu no si po' cumannari !*

Ddilusu ristavu u' so patruni  
dicennu scunsulatu e rummuliannu,  
*"cu nasci quatratu, no po' mòriri tunnu"*.

***Puru si conzi nci nni metti na' bisazza,  
falla comu la voji sempri è cucuzza!***